

ZAPISNIK SA 8. SJEDNICE UO SAMOSTALNOG SINDIKATA RADNIKA U BHRT-u, U MANDATU 2023/2027, KOJA JE ODRŽANA U UTORAK, 27.11.2023. GODINE

Prisutni: Džemal Kahrica; Elvis Čengić; Edis Fočo; Mubera Herac; Samir Gadžo; Mustafa Baručija; Anel Nurković; Minka Džihanić; Minja Erić; Ekrem Agić

Odsutni: Merima Kurtović-Pašalić; Sanija Saljihi; Sanin Vila; Omer Bukić Sadin Kavazović; Ivana Vidmar; Alen Pavić

Dnevni red:

- 1.Zapisnik sa 7. redovne sjednice UO SSR u BHRT-u
- 2.Aktualna situacija u BHRT-a
 - sastanak sa gospodinom Elmedinom Konakovićem
 - sastanak sa predstavnicima Delegacije EU u BiH
 - sastanak sa menadžmentom BHRT-a
- 3.Finansije
 - blagajnički izvještaj za mjesec oktobar 2023. godine
 - izvještaj Adriatic osiguranje za mjesec oktobar 2023. godine
- 4.Dodjela pomoći
- 5.Razno

AD 1. Dž.Kahrica je na osnovu člana 35. Statuta Samostalnog sindikata radnika u BHRT-u, otvorio 8. sjednicu UO SSR u BHRT-u, u mandatu 2023-2027 i predložio dnevni red koji je jednoglasno usvojen, kao i zapisnik sa 7.redovne sjednice UO sindikata.

AD 2. Dž.Kahrica je informisao UO da je rukovodstvo sindikata održalo nekoliko sastanaka u proteklom periodu i to:

-10.11.2023.godine održan je sastanak rukovodstva sindikata sa gospodinom Elmedinom Konakovićem, predsjednikom stranke Narod i Pravda i aktuelnim ministrom vanjskih poslova BiH. Tokom sastanka predstavnici sindikata prezentirali su probleme s kojima se suočava javni servis BiH, a posebno težak materijalni položaj radnika BHRT-a. Gospodin Elmedin Konaković je dao podršku predstavnicima Samostalnog sindikata radnika u BHRT-u u borbi za očuvanje javnog RTV servisa BiH i za poboljšanje materijalnog statusa radnika BHRT-a.

-14.11.2023.godine rukovodstvo Sindikata upoznalo je predstavnike Evropske delegacije sa aktuelnom situacijom u Javnom servisu Bosne i Hercegovine, s akcentom na težak materijalni položaj uposlenika i neuplaćivanje doprinosa. "Naime, više od 60 posto radnika BHRT-a ima osnovna primanja niža od 800 KM, dok je topli obrok 7 KM! Obzirom na inflaciju i povećane troškove života u posljednjih godinu dana brojni uposlenici su na rubu egzistencije. Posljedica niskih primanja je i odliv kadrova. Također, loši uvjeti rada na opremi staroj i 40 godina su veliki problem sa kojim se suočavaju uposlenici", upozorili su iz Sindikata. Predstavnici EUSR-a izrazili su punu podršku aktivnostima SSR u BHRT-u u borbi za dostojanstvo i bolji položaj uposlenika Javnog servisa BIH. Kako su naglasili, obzirom da je finansijska održivost i politička nezavisnost jedan od 14 uslova iz Mišljenja Evropske komisije o aplikaciji BiH za članstvo u EU, što je dodatno potvrđeno u posljednjem Izvještaju Evropske komisije o napretku zemlje, neophodno je ustrajati na pronalasku konkretnih i dugoročnih rješenja kako bi se osigurala finansijska stabilnost i poboljšao materijalni položaj radnika BHRT-a. U pomenutom Izvještaju se ističe da je BHRT u ozbiljnoj opasnosti od gašenja, nakon višegodišnjeg uskraćivanja stabilnog finansiranja zbog nesprovođenja Zakona o javnom RTV sistemu iz 2003. godine i dugotrajnih sudskih sporova na entitetskim sudovima oko velikih dugova Radio televizije Republike Srpske (RTRS) BHRT-u.

"Ova pitanja predstavljaju ozbiljnu prijetnju finansijskoj nezavisnosti i održivosti javnog RTV sistema. Bosna i Hercegovina rizikuje da postane jedina zemlja u Evropi bez javnog emitera na državnom nivou", saopćilo je rukovodstvo Samostalnog sindikata radnika u BHRT-u.

-23.11.2023.godine održan je sastanak sa menadžmentom BHRT-a na kojem je sindikat ponovno tražio povećanje toplog obroka i ponovno je dobio negativan odgovor od strane menadžmenta zbog nedostatka sredstava. Sindikat je istakao problem nepopunjavanja radnih mjesta što utiče i na sam kvalitet programa. Prema informacijama menadžmenta, rtv taksa je na istom nivou kao i u prethodnom periodu, ugovor sa EP BiH o naplati RTV takes još nije potpisan i radi se na rješavanju produženja tog ugovora. Sindikat je tražio sredstva za radnike za novogodišnje praznike.

Dž.Kahrica je informisao UO da je menadžment je u petak 24.11.2023. uputio sindikatu dva dopisa za izmjenu sistematizacije za dva radna mjesta i to rukovodilac službe za pravne poslove i rukovodilac službe za ljudske resurse na način da se njihovi koeficijenti podižu sa dosadašnjih 5,25 na 5,95. Takođe je napomenuo da obzirom da nema kvoruma za donošenje bilo kakve odluke koji se tiču opštih akata BHRT-a, odgovor će sindikat donijeti na narednoj sjednici. Dž.Kahrica je izvjestio UO sindikata da je rukovodstvo sindikata tražilo prisustvo na sjednici UO BHRT-a u vezi aktualne situacije u BHRT-u. Do današnje sjednice rukovodstvo sindikata nije dobilo nikakav odgovor.

UO sindikata se usaglasio da se sljedeća sjednica održi sredinom mjeseca decembra zbog predstojećih praznika, kao i da se generalni direktor pozove na sastanak sa UO sindikata po završetku sjednice.

AD 3. Blagajnički izvještaj za mjesec oktobar 2023.godine je primljen k znanju.

Izvještaj M.Herac o poslovanju sa Adriatic osiguranjem za oktobar 2023.godine je primljen k znanju.

AD 4. Komisija za dodjelu finansijske pomoći (M.Herac, S.Vila, M.Džihanić) predložila je da novčanu pomoć za mjesec novembar 2023. godine dobiju sljedeći članovi: Avdispahić Mirza 500 KM(III dio), Suljović Razija 200,00 KM(I dio), Krekić Selma 250,00 KM(I dio), Aljičević Amra 100,00 KM(I dio), Huremović Edin 300,00 KM(I dio), Hurla Kerim 300,00 KM(I dio), Vrgoč Nevenka 250,00 KM(I dio), Medić Ivana 400,00 KM, Morić Amra 200,00 KM.

Ukupno 2.500,00 KM. Prijedlog komisije je jednoglasno usvojen.

AD 5. M.Herac je postavila pitanje hoće li sindikat organizovati paketiće za djecu uposlenika? M.Džihanić je postavila pitanje može li se organizovati bonovi za djecu u bingu ili nekom drugom tržišnom centru? Nakon kraće rasprave UO sindikata je zadužio M.Džihanić da za sljedeću sjednicu UO sindikata pripremi prijedlog za novogodišnje paketiće za djecu, kao i broj djece članova sindikata.

Sjednica Upravnog odbora sindikata je završena u 11:05h.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Potpredsjednik
SAMOSTALNOG SINDIKATA
RADNIKA U BHRT-u
Džemal Kahrica